

Dienelkander



Nuusbrief van die Gereformeerde Kerk Potchefstroom-Oos

11 November 2018

OGGENDDIENS: Ds. Piet

Ons is baie bly en dankbaar om vandag weer die tekens van brood en wyn te sien en te ervaar hoe dit Here dit gebruik om ons geloof te versterk. Almal wat aansoek gedoen het om saam met ons Nagmaal te gebruik, word hartlik uitgenooi.

Tema: Verlang jy na die Here? Hy sal jou geestelike honger en dors versadig.

Verlang jy na God? Verlang jy na die teenwoordigheid van die Here? Na troos, krag en hulp van die Here? Dalk is jy nou érens in 'n geestelike woestyn of diep beproewing wat jou weg na God versper? Miskien soek jy net na innerlike vrede te midde van die vermoeiende lewenspad.

Dan is dit goed dat jy vandag hier in die kragtige teenwoordigheid van die Here is, want Hy sal jou geestelike honger en dors versadig. Dit is opmerklik dat Dawid verlang na 'n ontmoeting met die Here in die erediens! Ja, die erediens - hier en nou! Want Dawid weet dat God sy kind op 'n besondere manier hier ontmoet en versorg!

So doen die Here dit vandag op 'n baie spesiale manier sodat jy Hom weer kan loof en prys! Hy voed jou met die beste voedsel "met die binnevle en die vetste dele" (vers 6)! Hy versterk jou sodat jy met jou oë op

Hom gevestig weer met geloofskrag en hoop jou lewenspad kan stap!
Is jy honger en dors? Kom eet en drink en wees versadig!

Lofsang met die oog op die erediens
Sb 1-2: 1, 2, 3

Ontmoetingsdiens

Intreelied: Lied 163; Votum (uit Ps 20); Seën; Loflied Ps 84-2: 1, 2, 4;
Geloofsbelijdenis: 12 Artikels

Verootmoedigingsdiens

Wet uit Rom. 13: 8 - 12; Sing Sb 9-3: 1, 2;
Gebed

Woorddiens

Skriflesing: Psalm 63 (Nuwe Direkte vertaling); Woordverkondiging.

Sakramentbediening:
Sing staande Sb 10-2; Nagmaalformulier van Johannes Calvyn; Sing voor die nagmaal: Sb 17-3: 1, 2; Nagmaalbediening;
Sing aan tafel: Ps 23-3: 1, 3; Gebed

Antwoorddiens

Liefdegawes; Sing Sb 4-6: 1; Seën;
Amenlied Sb 13-3.

Aanddiens: Ds. Pieter van der Walt

Tema: Die innerlike krag van die gelowige

Die inname van die stad Jerigo, die eerste stad in Kanaan, was 'n vreemde offensief. Hoe gebeur dit dat 'n stad se mure intuimel as die invallers (Israel) vir ses dae lank elke dag eenmaal rondom die stad trek en die sewende dag sewemaal?

Waar lê die geheim agter hierdie, vir ons vreemde manier om 'n stad binne te val?

Na ons Nagmaalsviering vanoggend vind ons hier 'n pragtige geloofsversterkende ervaring van hoedat die Here vir sy verbondsvolk en vir ons as sy verbondskinders sorg.

Lofsang met die oog op die erediens

Lied 190: 1, 2, 3

Ontmoetingsdiens

Intreelied: Ps 48-1: 4; Votum; Seëngroet;

Loflied: Ps 46-1: 1, 6; Gebed

Woorddiens

Skriflesing: Josua 6:1-17 en 20 en

Josua 5:13-15

Teks: Josua 6 (met die klem op die ark van die Here) en 5:13-15

Sing: Ps 90-1:1, 9 (Tweede melodie);

Woordverkondiging

Antwoorddiens

Gebed; Liefdegawe; Sing:Lied 241: 1, 3;

Wegstuurseën; Amenlied: Sb 13-2.

MEELEWING

- Riekie Schutte (Groep 1 - 079 669 1588) is in Mooimed Hospitaal opgeneem vir toetse en behandeling.
- Gideon Coetzee (Groep 19 - 082 927 0936) se kleinkind (babatjie) het 'n groot operasie in Johannesburg ondergaan

waar 'n deel van die dunderm verwijder is en die baba nou 'n sakkie moet dra totdat sy sterker is vir 'n groter operasie om alles weer te heg.

Ons bid dat die Here beterskap/bemoediging en troos sal gee.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Janet vd Walt, Isak vd Walt, Tjaart Snyman, Bert Floor, Jacoba v Rooy, Magdaleen Venter, Grobbie Grobler, Andy en Blossom Pretorius en Koos en Marlene Jooste.

ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel hierdie week vir: siekes@oosdoppers.co.za of Rina Seyffert (072 429 9247) en Marthie Schoeman (082 920 7082)

VAN DIE KERKRAAD

- Die kerkraad verleen eervolle losmaking uit die diens van diaken aan Wikus van Niekerk. Baie dankie vir jou dienswerk.
- Br Koos Jooste se naam word vir goedkeuring aan die gemeente voorgehou om as ouderling te dien.

PROGRAM VAN DIE WEEK

Vandag

09:00 Gebedsgroep

09:30 Oggenddiens

Geen Kleuterbediening

Vlamvat: Gebed vraelys inhandig

Tee en Koffie in die Skuur

Nagmaalete

16:00 Kooroefening

18:00 Aanddiens

Maandag

18:00 Kersmark-komitee vergader

18:30 Kassiere-diensgroep vergader

Dinsdag

06:00 Manne-ondersteuningsgroep
(afsluiting)

Woensdag

10:00 Bejaardes se afsluiting

INSKAKELING VAN GEREF KERK MOOIRIVIER SE LIDMATE

Moorivier hou vandag hulle laaste erediens en Nagmaal waarna die gemeente ontbind. Ouderlinge Frans du Preez en Theo Coetzee verteenwoordig ons gemeente vandag daar en sal 'n hartlike uitnodiging rig dat die lidmate volgende Sondag by ons kom inskakel. Ons sal hulle dus DV volgende Sondag formeel hier ontvang en tuis laat voel.

Ons wil graag '**n vooggesin**' van Potch-Oos aan elke gesin of lidmaat van Moorivier toewys om na hulle uit te reik en seker te maak dat hulle goed inskakel. As jy / julle as gesin bereid is om hiermee te help sal ons dit baie waardeer as julle vandag nog name by ds Piet opgee.

Ons beplan dan ook '**gesellige saamkuier**' na die erediens volgende Sondag en vir die doel versoek ons al ons lidmate om 'n bordjie eetgoed (soet of sout) saam te bring waarvan ons almal kan geniet. Ons Susters het die afgelope tyd baie hard gewerk, ook vir vandag se Nagmaalete, en ons wil nie weer die las op enkele groepe plaas nie. Ons sal dit waardeer as julle ook hiermee help.

Ons weet nog nie presies hoeveel lidmate hier gaan inskakel nie, maar kom ons laat hulle tuis voel. Onthou: hulle weet ook nie waar jou sitplek in die kerkgebou is nie. Wees tog vriendelik en verdraagsaam sodat ons almal welkom kan laat voel - **selfs al sit iemand "op jou plek"!**

Kom ons almal doen moeite om die nuwe lidmate ons kenmerkende Oosdoppergasvryheid en omgee te laat ervaar.

AFKONDIGINGS

- Liefdegawe vanoggend vir Barmhartigheid (Zapper betaal-metode beskikbaar)
- Gawe by die deure vanoggend vir die Diakonie.
- Gawes volgende Sondag vir Thusofonds.
- Vrywillige bydrae vir voertuigsekuriteit in die bussies by die deure.
- Diensbeurte: Groep 36 en 37.

VERJAARSDAE

Baie geluk aan almal wat DV hierdie week verjaar!

Sondag, 11 November

Jbr Pieter Kruger	
Sr Monè Lake	079 510 2855
Sr Elize Schutte (Klipdrif)	082 921 9334
Sr Estie vd Westhuizen	073 144 9069
Sr Vicky Viviers (76)	083 566 7631

Maandag, 12 November

Br Nicolaas Erasmus	083 555 1106
Sr Hannari Lamprecht	074 802 3928
Jsr Nicole Smits	018 290 9260
Sr Harriet vd Walt (86)	073 520 8783

Woensdag, 14 November

Sr Imke Rheeder	074 467 6956
-----------------	--------------

Donderdag, 15 November

Jsr Eleonè Fouche

Vrydag, 16 November

Sr Susamarie de Villiers (75)	082 416 3998
Br Deon Duvenage	082 940 8174

KERSMARK 2018

Oor **3 weke** begin ons Kersmark!

Om hiervan weer 'n sukses te maak, het ons almal in die gemeente se hulp baie nodig! Skryf asb vanoggend jou naam op die **lyste** in die voorportaal van die Skuur om aan te dui waar jy ons kan help.



Moorivier
Kersmark

Neem asb ook van die **Vensterplakkate** en sit dit vir ons by besighede op vir advertensie.

Ons **Dekorkomitee** benodig ook nog skenkings van:

- AA-batterye
- Kleefband
- Kreatiewe items (blomme, pennetjies ens.)
- Verpakkingsmateriaal (koerante, papier, boksies ens.)

Ons moedig ook groepe aan, om as groep bv. 5 pakkies batterye te skenk.

VLAMVAT TOERUSTING: Huis van gebed – opname

Dankie aan almal wat die gebedsopnamevorm ingevul het. Plaas dit asb in die houer in die voorportaal. Die lidmate wat nog nie een ingevul het nie, kan dit asseblief na die erediens doen en ook in die boks gooï. .

Jy kan dit ook vandag nog elektroniese invul: Tik net die volgende skakel by u webblaaiers in:

<https://www.surveymonkey.com/r/23FV6P9> en vul die vraelys elektronies in.

KERSSANGDIENS 2018

Die Kerssangaand vind plaas op 25 November om 18:00.



Kooroefening vind plaas op:

- Donderdae 17:15 en
- Sondae om 16:00 in ons kerk.

Sien julle daar!

KENNISGEWING VAN DIE EIENDOMDIENSGROEP: GRASPERK EN PARKERING

Die Eiendomdiensgroep wil 'n ernstige poging aanwend om ons grasperke te hervestig na die lang winter. Die grasperk voor die Skuur sal vir die volgende paar

weke afgespan word en ons versoek lidmate om nie daarop te parkeer of te ry nie. Jammer vir die ongerief maar dit kan ongelukkig nie anders nie. Nat grasperke en voertuie is net nie maats nie! Stap maar bietjie verder.

In die lig hiervan wil ons ook versoek dat lidmate (wat nie kwalifiseer nie) nie die plaveiselparkering vir gestremdes en bejaardes gebruik nie. Los dit asb oop vir ons gestremde en bejaarde lidmate. Kom ons neem mekaar in ag.

BAIE DANKIE: HEBRON-GESKENKPAKKIES

Baie dankie vir al die groepe wat geskenk-pakkies bygedra het. Dit help ons baie om hierdie uitreik moontlik te maak.

“HALLOWEEN” WAT IS DIT EN MAG ‘N GELOWIGE DAARAAN DEELNEEM?



Ons het verlede week na die oorspong en geskiedenis van Halloween gekyk en duidelik gesien dat hierdie fees se oorsprong en ontwikkeling tot in die moderne tyd te doen het met 'n heidense en onbybelse siening van die geesteswêreld.

'n Mens sou seker kon aanneem dat Christene wat die fees wel vier, niks ernstig toedig aan die aantrek van allerlei spookagtige klere, maskers en monsters nie en geen kwaad sien in die maak van 'n pampoenlamp nie. Tog moet 'n gelowige ernstig aandag gee aan die Here se baie duidelike waarskuwing in sy Woord dat gelowiges niks te doen mag hê met enige vorm of aktiwiteit van die bonatuurlike geesteswêreld nie.

Veral nie in die lig van die wêreldwye toename in okkultisme, natuurgelowe en

Satanisme nie. In die lig hiervan moet nik van die mag van die geesteswêreld ligtelik opgeneem word nie. Dit is tog immers waarom die Here ons in sy Woord ernstig hierteen waarsku in Skrifgedeeltes soos Deut. 18: 10 - 11; Jesaja 8: 19; 1 Sameul 28; Levitikus 19: 31 en 1 Joh. 4: 1,2. In die lig van wat die Here hieroor sê behoort gelowiges nie deel te neem aan Halloween of enige verwante gebruik nie. Ons is kinders van die lig en neem nie deel aan prakte van die duisternis nie.

ALMANAK

Die Almanak is beskikbaar in die kerkkantoor vir lidmate wat bestel het. R84 elk.

KENNISGEWINGBORD

- G5 afskopkamp 2019
- Christo vd Walt benodig 2 ou fietse.
- Woonstel te huur: Heilige Akker
- Topia Gebedsgeleentheid: 16 Nov 19:00
- Teologiese fietstoer 21 Maart 2019

BEROEPE NUUS

BEROEP BEDANK

- Ds TJ van Vuuren (Tommie) van Heilbron na Durban-Noord.

ALGEMENE INLIGTING

• WOW-HERWINNINGSWERK

Papier, plastiek, karton, glas, blikkies en polystyrene - *hoef nie gesorteer te wees nie, herwinningseitems moet wel in plastieksakke toegebind wees. ASB GEEN huisafval nie!* Die glas/blikkies/plastiek moet asb uitgespoel wees.

- **LIEFDEGAWES VIR BARMHARTIGHEID (DIAKONIE) ZAPPER**
Slegs bydraes vir Barmhartigheid (**Diakonie**) kan daarmee gemaak word - geen ander betalings aan die Diakonie of kerkrAAD nie



• SOSIALE MEDIA VIR ONS GEMEENTE

Webblad: www.oosdoppers.co.za

Facebook:

www.facebook.com/oosdoppers

Beeldmateriaal van preke kan hier gesien word:

<http://ow.ly/ivfZ309vsdc>.



KONTAKBESONDERHEDE: PREDIKANT, HULPDIENS & KANTOOR

Ds. Piet: 018 290 5635 / 082 779 1237

Hulpdiens: Ds. Pieter vd Walt – 082 851 3637

Prof. Herrie v Rooy – 083 700 3933

Kerkkantoor: Adele 018 290 7690

Kosterspaar: Johan 061 336 7255

Elsa 073 959 8051

SUSTERS IN DIE GELOOF

"Skuil Onder God se Vleuels"



TEESKINKGELEENTHEID

- *Baie dankie aan die groepsusters en hulle groepe se susters, broers en kinders wat met die skink en opwas help!*
- *Ons moedig susters en broers, selfs gesinne aan om met die skink en opwas te kom help – so leer ons mekaar en ons nuwe groepe beter ken!*

Tee word **vandag** deur die volgende groeplede en hul groepsusters bedien: Sonette Turkstra en groep 5, Lana Laufs en groep 14, Groep 25, asook Stephanie Earle en groep 34.

Volgende week skink Karin Kruger en groep 6, Susan Lourens en groep 15, Mari Steyn en groep 27, asook groep 35 se susters, tee. *Baie dankie julle!*

BAIE DANKIE

Baie dankie aan:



- Die Sustersbestuur en susters van blok B wat soveel moeite gedoen het om 'n reuse sukses te maak van ons Gesamentlike Sustersafsluiting. Dit was 'n besondere aand waar ons lekker gekuier en nuwe vriendskapsbande gesmee het.
- Elsie Ferreira en die susters van Blok D wat vandag regstaan met 'n heerlike Nagmaalete.

BLIKKIES-WARMHARTE



Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal goo en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproeing gaan. **Baie dankie vir julle getroue bydrae!**



VERWELKOMING VAN MOOIRIVIER-LIDMATE

- 18 November - sien berig vroeër

Susters, ons versoek elke gesin om 'n bordjie eetgoed te bring volgende Sondag en saam met Mooirivier-lidmate te kuier en hul huis te laat voel. Wys hulle ons Oosdopper-gasvryheid!

MELKFONDS

Onthou ook om jou bydrae vir ons melkfondshouers by die bedieningspunte. Hierdie melkfonds word gebruik om melkkoffie te bedien. Graag vra ons vir enige donasies wanneer daar weer heerlik rondom 'n koppie koffie of tee gekuier word.



SUSTERSBYDRAE

Die susters se fondse word uit elke suster se vrywillige bydrae (R150 per jaar) verkry asook die fondse wat tydens fondsinsamelingsgeleenthede geïn word. Hierdie geld word gebruik om na minderbevoordeeltes uit te reik en daar word jaarliks aan verskillende verdienstelike instansies, donasies gegee.

VIERDE KWARTAAL

DATUM	DAG	TYD	WIE	WAT
14-Nov	Woensdag	10:00	Bestuur en groepsusters	Bejaarde lidmate se afsluiting
25-Nov	Sondag	18:00	Blok A	Kerssangdiens
30 Nov – 8 Des	Vry - Sat	07:00 tot 20:00	Almal	Moorivier Kersmark

BAIE DANKIE AAN ONS BORG VAN DIE WEEK!

VIVIERS INGELYF PROKUREURS

Skakel Pierre Viviers vir die volgende regsdienste:

* Opstel van testamente	Eerstevloer
* Boedel- en aftreebeplanning	Octrongebou
* Beredding van bestorwe boedels	James Morokalaan 62
* Stigting van trusts	Potchefstroom
* Registrasie van onroerende eiendom	📞 (018) 297-5201 k/u
* Siviele litigasie – Hoë- en Landdroshof	
* Skuldinvorderings	pierre@viviersattorneys.co.za
* Huweliksvoorwaardeskontrakte	
* Lugvaartregsdienste	
* Lugvaartversekering – FSP nommer 43890	

TOPIA By TOPIA is ons passievol oor die opleiding van kerkleiers en wil ons ook ander inspireer om kerkleiers op te lei.

Ons het die afgelope tyd 'n fokus op dissipelskap gehad. Die vrug hiervan is dat TOPIA se boodskap ook nou deur ander uitgedra en uitgeleef word. By ons gebedsgeleenthede hoor ons en bid ons dan ook vir hierdie besonderse koninkryksinisiatiewe.

So dank ons die Here vir die uitreike wat gedurende die winter plaasgevind het. TOPIA het vooraf insette gelewer om twee uitreikspanne toe te rus en TOPIA se materiaal is gebruik om leiers toe te rus. Die uitreikspan van Annlin en Montanapoort na Mosambiek het ook mooi terugvoer gegee oor die vrug van verlede jaar se opleiding. Een van die plaaslike kerkleiers was betrokke by kerkplanting en het die lesse van die opleiding toegepas. Die vrug hiervan was dat daar mooi tekens van groei by die kerkplanting waargeneem word.

Die "Moot Light" kamp is ook geleei deur predikante wat by TOPIA betrokke is. Die vernuwing van Bybelse Dissipelskap is met die jeug op die kamp behandel. 'n Mamma het na afloop van die kamp, by 'n TOPIA kuier en gebedsgeleentheid, met blydskap vertel van die positiewe invloed wat die dissipelskap toerusting op haar graad sewe kind gehad het.

Ons dank God ook vir Hein Venter en Hennie vd Walt wat na afloop van dissipelskapsopleiding besig is om by twee plekke in Centurion mense te dissipel. Hulle doen weekliks op Sondae ontdekingsbybelstudies met 'n groep mense wat onder 'n brug in Lyttelton bly en met 'n groep "karretjie-mense" (vullisherwining) naby Supersportpark.

Die vernuwing van Bybelse Dissipelskap se materiaal word tans gebruik in GK Annlin, Wonderboom Suid, Wierdapark en Meyerspark. Die materiaal is ook die afgelope semester na Engels, Chewa en Portugees vertaal.

Thinus Herman van GK Rooihuiskraal het in Oktober die boek Job met studente van Back to the Bible Mission (BBM) naby Barberton behandel. Die Aucamps sal ook DV die volgende twee weke by BBM wees. Johannes gaan Koninkryks-wêreldbeskouing en diensknegleierskap met die eerstejaarstudente behandel.

Daar is op Vrydagavond 16 November 'n laaste TOPIA gebeds- en kuiergeleentheid vir hierdie jaar. Dit gee ons die geleentheid om die Here te dank en voorbidding te doen vir dit wat by TOPIA gebeur. As gesin is dit ook lekker om saam met ander te kuier en ons waardeer die liefde van medegelowiges wat ook saam met ons wil bid.

Koninkryksbelegging

- Indien jy geroepe voel om by TOPIA 'n koninkryksbelegging te maak, oorweeg asseblief om 'n konstante maandelikse belegging te maak. Dit sal TOPIA help om vaste maandlikse betalings makliker te kan doen.
- FNB tjkrekening, TOPIA, Rekeningnommer: 62769393712, Takkode: 250655,

Gebede

- Dank en prys die Here vir opleiding en dissipelskap wat die afgelope kwartaal gedoen is
- Dank die Here vir die gawes en middele wat aan TOPIA gegee is.
- Doen aseblief voorbidding vir die opleiding wat beplan word.
- Bid ook asseblief vir maandelikse geldelike steun vir TOPIA.

CHRISTUS HET OPGESTAAN – IN HOM, DEUR HOM EN VIR HOM!

Johannes, Lizanne, Lourens, Arina en Lizanné Aucamp